




[www.BibleForChildren.org](http://www.BibleForChildren.org)


# Ahäkahäk 1




Yäput penpäŋ Anututä  
kunum kenta kome pewän  
ahänkumän.



Tänpäkan kome u  
tänpuräk-kuräk ikek, jopitä  
parirän bipmäng uranitä uwäk  
tänpük. Tänpäng gwägu pähap  
terak uwä Anutu täno  
Munapiktä punin jop  
kujatkuk.




Tänpäkaŋ Anututä yänkuk; Yänewän! Yäwänä  
yänenkuk. Ude yäpmän daninpän penyänek täŋo wäpi  
Kepma yän iwetkuk. Täŋkaŋ bipmän urani täŋo wäpi  
Bipani yän iwetkuk. Eruk, kome bipmänpän yänenjirän  
edap kubä u tärenkuk.



Edap kubä u tärenjirän, eruk Anututä yänkuk; Ume  
bämopiken baga kubä ahänpäŋ ume yäpmän daniwän!  
Ude ahänjirän Anututä baga unitäŋo wäpi Kunum yän  
iwetkuk. Eruk, kome äneŋi bipmänpäŋ yänjenjirän edap  
yarä u tärenkuk.



Edap yarä u tärenjirän, eruk Anututä yänkuk; Kunum  
gämoriken ume kubäkengän it morenjirä kome kawuki  
ahäwän! Ude yäwänä ahänkuk. Tänpänä Anututä kome  
kawuki täno wäpi Kome yän iwetkuk. Tänpän ume  
kubäkengän it morenkuño unitäno wäpi Gwägu Pähap  
yän iwetkuk. Ude ahänjirän Anututä kawän täganükuk.




Ude tänkaŋ Anututä yänkuk; Imaka yeri-yeri kome  
terak tädorut! Ketem mujipi nitek mebäri mebäri ba  
päya mujipi nitek mebäri mebäri tädorut!


Ude yävänä udegän ahänkuŋ.

Eruk, kome äneŋi  
bipmänpän yäneŋirän  
edap yaräkubä u


tärenkuk.




Anututä ude yänpän topän pähap yarä pewän  
ahänkumän. Kubä tañi uwä kepma watäni  
itta, kubä täpuri uwä bipani watäni  
itta u yepmañkuk. Täñkañ guk bok  
pewän ahänkuñ. Eruk, kome äneñi  
bipmänpän yäñeñirän edap  
yaräbok-yaräbok u täreñkuk.




Edap yaräbok-yaräbok u  
tärenjirän, eruk Anututä  
yänkuk; Ume gänäñ tom  
bumtainik, jirañ ahäwut!  
Tänkañ barak punin terak  
piän kuñarut! Ude yäwänä  
udegän ahänkuñ. Eruk,  
äneñi bipmänpän yänjenjirän  
edap ket kukni kudup u  
tärenkuk.




Edap ket kukni kudup u tärenjirän Anututä yänkuk;  
Kome terak tom node ahänpän ini-ini bäyaŋ wewut;  
Tom yepmän towikta yäwani ba tom ägwäri ba gämok  
kejima mebäri mebäri udegän bäyaŋ wewut! Ude  
yävänä udegän ahänkuŋ.




Ude tänkaŋ Anututä yänkuk; Eruk, ninin bumik äma  
pena ahäwut yäk. Ude tänitna äma unitä gwägu tom  
ba barak ba tom yepmäŋ towikta yäwani ba kome  
terak irojän kuŋarani, u kuduptagän kaŋ yabän  
yäwarut. Tänpäkaŋ Anututä  
imaka kudup tänpewän  
ahänkuŋo u yabäwän  
tägagämäninik tänkuŋ.  
Eruk, kome äneŋi  
bipmäŋpäŋ yänenirän  
edap 6 u tärenkuk.



Tänpäkan Yawe Anututä äma gatänkuko u yäpmanpäñ  
Iden piä uken piä täkta, ba watäni irekta tenkuk.



Tenkaŋ äma u man  
kehäromi ŋode iwetkuk;  
Gäk piä ŋo gänaŋ päya  
mujipi nitek it yäpmän  
kukaŋ unitäŋo mujipi  
täga api näŋpen.  
Upänkaŋ Waki ba Täga  
täŋo Mebäri Nadäwani  
päya unitäŋo mujipi  
nämoink näŋpen! U  
naŋpäŋä kumäkinik api  
täŋpen. U jop nämo  
gäwetat yän iwetkuk.



Äma unitä ude tänkuko uwä tom  
yepmäñ towikta yäwani, barak ba  
tom ägwäri u kuduptagänta wäpi  
yäminkuk. Ude tänkuko upänkañ  
täñkentäki ini bumik kubä nämo  
kañ-ahänkuk.



Unita Yawe Anututä äma u tänpewän döpmon patgun  
tañirän äma unitäño järapi kujat kubä dätpäñ  
toharipäñ äneñi tänpipiñkuk. Ude täñkañ Yawe  
Anututä järapi kujat yäpuko upäñ  
webe kubä tänpäñ äma uken  
imagut yäpmäñ kuñkuk.




Eruk mebäri unita ämatä miñi nani  
yepmanpeñ webeni kentäñirän gupi  
tohari kubägän api tädeñ.



Anututä komen  
ämawebeta nadän  
yämik-inikinik täŋkuko unita nanaki tepi  
kubägän u tewän äpuk. Ude täŋkuko  
unita ämatä u nadän iminpäŋ  
kuŋatnayän täkaŋ uwä paot-inik nämo  
api täneŋ. Nämo, u irit kehäromi  
apikaŋ-ahäneŋ.



1



60



Rom 3:23 Nämoinik, ämawebe nin kuduhtagän momi tängpani unita Anutu penyänek mähemi ukät kunum gänäñ bok itnañi nämo.

Rom 6:23 Eruk, unita äneñi ñode nadäwut; Momitä epän ämaniyeta gwäki yämik täyak uwä kumän- kumän tärek-täreki nämo. Tänpäkañ Anututä iron kowatani nämo täñ nimik täyak uwä Ekäninin Jesu Kristo terak irit kehäromi tärek-täreki nämo u.

Hibru 9:27 Tänpäkañ ämawebe kuduhtagän kadäni kubägan kumakta yawani. Kumänpäñä täktäki yäpmän danik-danik käbeyä-ken api äroneñ.



Efesus 2:8,9 Unita node yäwa; Nadäkinik terak Anutu täño bänep iron unitägän waki kerik-ken nanikpäñ tämagutkuk. U intä imaka kubä täñirä kañpäñ unita nämo tämagutkuk. Nämo, iniken bänep irona yäñpäñ jop tämagutkuk. Unita äma kubätä iniken wäpi biñam täga yäpmäñ akunañi nämo. U imata, intä piä täñirä unita yäñpäñ nämo tämagutkuk.

Rom 10:9,10 Bureni, mejintä Jesu u Ekäninin yäñ yäñahäñit, bänepjintä Anututä Jesu kumbani-ken nanik yäpmäñ akunükuko unita nadäkinik täñ imiñirä Anututä ini api tämagurek. U imata, bänepnintä Jesuta nadäkinik täñitna Anututä siwoñi ämawebe yäñ yäñtäreñ nimik täyak, ba menintä nadäkiniknin u yäñahäñitna inita biñam nimagut täyak.



Jon 3:16,17 Anututä komen ämawebeta nadän yämik-inikinik tänkuko unita nanaki tepi kubägän u tewän äpuk. Ude tänkuko unita ämatä u nadän iminpäñ kuñatnayän täkañ uwä paot-inik nämo api täneñ. Nämo, u irit kehäromi api kañ-ahäneñ. Anutu uwä Nanakna komen ämawebe manken kañ yepmañpäñ yäñpäñ nämo tewän äpuk. Nämo, u komen ämawebe yäpäñ tägakta yäñpäñ nanaki kubägän-inik uwä iniñ kireñkuk.



1 Jon 5:11-13 Tängkaŋ man bureni uwä ŋode; Anututä irit  
kehäromita biŋam nipmaŋpän itkamäŋ. Tänpäkaŋ irit  
kehäromi unitäŋo mähemi u Nanaki ubayäŋ. Ämawebe  
Nanaki-kät kwasikotpäŋ kuŋat täkaŋ uwä irit kehäromita  
biŋam täk täkaŋ. Täŋ, ämawebe Nanaki-kät nämo  
kwasikotpäŋ kuŋat täkaŋ uwä irit kehäromita biŋam  
nämo täk täkaŋ. Nämoinik! Ämawebe Anutu täŋo  
Nanakita nadäkinik täk täkaŋ, inta man kudän ŋo mebäri  
ŋodeta kudän tänpäŋ tamitat; Inä irit kehäromita biŋam  
täkamäŋ yäŋ nadäwut yänpäŋ manbiŋam ŋo  
kudän tänpäŋ tamitat.



# Ahäkahäk 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Tuma Irumu Bible (iou) © 2011, Wycliffe Bible  
Translators, Inc. All rights reserved.

<https://live.bible.is/bible/IOUTBL/GEN/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

